



ՍՈՒՐԲ ԶԱԿՈՐ

ԱՌԱՋՆՈՐԴԱՆԻՍՏ ՄԱՅՐ ԵՆՆԵՐ

ՎԵՐԱՓՈԽՈՒՄԷՆ ԵՏԵ ՉՈՐՐՈՐԴ ԿԻՐԱԿԻ
10 ՍԵՊՏԵՄԲԵՐ 2017

Կիրակնօրեայ Ընթերցումներ Էջ 1
«Ուխտին Տապանակը» (37) Էջ 2
Ծանուցում Էջ 4

ԸՆԹԵՐՑՈՒՄ
ԵՍԱՅԻ ՄԱՐԳԱՐԷԻ ԳԻՐՔԷՆ
(13.1-11)

Ահա ահա իհարկեւ Բաբելոնի վերաբերող Տիրոջ պատգամը որ յայտնուեցաւ Ամոսի որդի Եսայիին։- Պատերազմի դրօշ կանգնեցէք մերկ լերան վրայ, ո՛վ իսրայէլացիներ, բարձրադաղակ ողջունեցէք եկող բանակները, մի՛ վախճաք, ձեռքով նշան ըրէք անոնց որոնք կու գան Բաբելոնի վրայ։

Ինծի համար նուիրագործուած պատերազմ-միկներն են անոնք, որոնք ես Բաբելոնի դէմ պիտի զրկեմ որպէսզի գայն նուաճելով բարկութիւնս յազեցնեն եւ ինծի հետ ուրախանան։ Լսեցէ՛ք լեռներուն վրայ բազմութիւններու աղմուկը. ձայնը բազմաթիւ ազգերու, ձայնը թագաւորներու եւ հաւաքուած ժողովուրդներու։ Երկնաւոր Զօրքերու Տէրը ի՛նք հրամայեց սպառազինուած այս ժողովուրդներուն, որ գան հեռու երկիրներէ, հեռաւոր հորիզոններէ. եւ իր պատերազմիկներուն հետ Տէրը ինք կու գայ ամբողջ աշխարհը աւերելու։ Ողբացէ՛ք, որովհետեւ մօտ է Տիրոջ օրը, արդէն կը հասնի Աստուծոյ հարուածը։ Այդ պատճառով ալ բոլորին ձեռքերը պիտի թուլանան, մարդոց սիրտերը վախով պիտի լեցուին. իշխանները խռովքի պիտի մատնուին, ծննդական կնոջ մը պէս՝ երկունքով պիտի բռնուին. ամէն մարդ իր ընկերը պիտի մեղադրէ եւ ամօթէն իրենց դէմքը բոցի պէս պիտի կարմրի։ Արդարեւ ահա կու գայ Տիրոջ օրը, երբ Տէրը անողոք գայրոյթով ու սաստիկ բարկութեամբ անապատի պիտի վերածէ աշխարհը եւ անկէ բնաջինջ պիտի ընէ մեղաւորները։

Երկինքի աստղերը եւ Հայկին պէս բոլոր համաստեղութիւնները իրենց լոյսը պիտի չտան. արեւը իր ծագած պահուն պիտի խաւարի եւ լուսինը իր լոյսը պիտի չտայ։ «Ես պիտի պատժեմ չարիքները որ կան ամբողջ աշխարհի մէջ, եւ ամբարիշտները՝ իրենց մեղքերուն համար։ Վերջ պիտի դնեմ անօրէններու հպարտութեան եւ պիտի խորտակեմ ամբարտաւաններու գոռոզութիւնը», կ'ըսէ Տէրը։

ՊՕՂՈՍ ԱՌԱՔԵԱԼԻ
ԿՈՐՆԹԱՑԻՆԵՐՈՒՆԳ ԳՐԱԾ
ԵՐԿՐՈՐԴ ՆԱՄԱԿԷՆ
(7.4-16)

Մեծ վստահութիւն ունիմ ձեր վրայ. մեծապէս հպարտ եմ ձեզմով։ Մեր կրած բոլոր նեղութեանց մէջ ինքզինքս մխիթարուած եւ մեծապէս ուրախ կը զգամ։ Որովհետեւ Մակեդոնիա հասնելէն ի վեր երբեք հանգիստ չունեցանք, այլ ամէն կողմէ՝ նեղութիւն։ Մէկ կողմէ արտաքին թշնամութիւնները կը նեղէին մեզ, իսկ ներքնապէս՝ մեր վախը։ Բայց Աստուած, որ կը մխիթարէ սրտաբեկները, Տիտոսի գալովը մեզ մխիթարեց։

Ուրախացուցիչը միայն Տիտոսի գալը չէր։ Ուրախացանք մանաւանդ, երբ լսեցինք թէ ի՛նչպէս գոհ մնացած էր ձեզմէ։ Մեզի պատմեց, թէ անձկութեամբ կը սպասէք ինծի, թէ ո՛րքան ցաւած էք պատահածին համար եւ թէ ի՛նչպէս կապուած էք ինծի։ Չէք կրնար երեւակայել որքա՛ն ուրախ եմ։ Զիչդ է, որ նամակովս քիչ մը վշտացուցի ձեզ, բայց հիմա չե՛մ զղջար ըրածիս, թէպէտ գրելէս վերջ զղջացեր էի, քանի կը տեսնեմ, թէ այդ նամակս միայն կարճ ժամանակ մը վշտացուցեր է ձեզ։ Ուրախ եմ հիմա, ո՛չ թէ ձեզ ցաւցուցած ըլլալուս համար, այլ որովհետեւ այդ տրտմութիւնը պատճառ եղաւ, որ ապաշխարէք։ Եւ որովհետեւ ձեր տրտմութիւնը Աստուծոյ գործին ծառայեց, ես պէտք չունիմ այլեւս խստութեամբ գալու ձեզի։ Աստուած երբեմն մեզ կը ցաւցնէ՝ ապաշխարութեան միջոցաւ փրկութեան առաջնորդելու նպատակով, որուն համար չենք զղջար բնաւ։ Մինչդեռ աշխարհի ցաւը մահուան կ'առաջնորդէ։ Արդ, տեսէք թէ Աստուծոյ պատճառած ցաւը ի՛նչպէս անտարբերութենէն դուրս բերաւ ձեզ եւ մղեց որ դուք ձեզ արդարացնէք։ Զայրացաք, տագնապեցաք, անձկութեամբ լեցուեցաք։ Բայց յետոյ նախանձախնդրութեամբ վառեցաք եւ սխալը մէջտեղէն վերցուցիք, եւ ամէն կերպով ցոյց տուիք թէ դուք յանցանք չունիք այդ խնդրին մէջ։ Հիմա ըսեմ թէ նախորդ նամակը գրելուս պատճառը միայն այդ յանցաւոր մարդը չէր, ո՛չ ալ անոր հայրը որուն դէմ գործուեցաւ յանցանքը. այլ որպէսզի յայտնուի այն հոգածութիւնը որ փոխադարձաբար իրարու հանդէպ ունինք Աստուծոյ առջեւ։ Ուստի մենք մեզ մխիթարուած կը զգանք։

Մեր զգացած մխիթարութեան վրայ Տիտոս աւելի եւս ուրախացուց մեզ, ուրախութեամբ պատմելով

Թէ ի՛նչպէս բոլորդ ալ գոհ ձգած էք զինք: Ձեզի համար պարծանքս յայտնած էի իրեն, եւ ամօթով չմնացի. եւ ինչպէս ձեզի խօսածներս բոլորը ճշմարիտ էին, նոյնպէս ալ Տիտոսի յայտնած պարծանքս ճշմարտութեամբ: Գիտէ՞ք թէ որքան մեծ սիրով Տիտոս կը խօսէր ձեր մասին. կը յիշէր թէ ի՛նչպէս կը հնազանդէիք իրեն, թէ ինչպիսի՛ ահ ու դողով ընդունեիք էիք զինք: Արդ, ուրախ եմ որ կատարեալ վստահութիւն ունիմ ձեր վրայ:

**ՅԻՍՈՒՍ ՔՐԻՍՏՈՍԻ ԱԻԵՏԱՐԱՆԷՆ
ԸՍՏ ՄԱՐԿՈՍԻ
(7.31–37)**

Յիսուս Տիւրոսի սահմաններէն մեկնելով, Սիդոնի վրայով անցաւ Դեկապոլիսի սահմաններէն եւ եկաւ Գալիլիայի ծովեզերքը: Եւ ահա իրեն բերին խուլ եւ համր մարդ մը՝ խնդրելով որ ձեռքը դնէ անոր վրայ: Յիսուս զայն ամբօխէն հեռու մէկ կողմ տարաւ, մատները անոր ականջներուն մէջ դրաւ, յետոյ թքեց եւ դպաւ անոր լեզուին: Ապա երկինք նայեցաւ, հռաչեց եւ ըսաւ. «Եփփաթա՛», որ կը նշանակէ «բացուէ՛»: Նոյն վայրկեանին անոր ականջերը բացուեցան, եւ լեզուն բացուելով՝ սկսաւ կանոնաւոր կերպով խօսիլ: Յետոյ Յիսուս պատուիրեց ժողովուրդին որ ոեւէ մէկուն չըսեն: Սակայն ինչքան ալ ան կը պատուիրէր որ չտարածեն, անոնք առաւել չափով կը պատմէին այս մասին: Մարդիկ աւելի եւս կը զարմանային եւ կ'ըսէին. «Այս մարդը ամէն ինչ լաւ կը կատարէ. տեսէք, խուլներուն իսկ լսել կու տայ եւ համբերուն՝ խօսիլ»:

«ՈՒԽՏԻՆ ՏԱՊԱՆԱԿԸ»

**ԿԻՐԿՐՈՅ ԿԱԹՈՂԻԿՈՍՈՒԹԵԱՆ
ՄԻԱԷԱ ԱՆԱԹԻՒԱՍ
ՓՈԽԱԴՐՈՒԹԻՒՆ**

ԳԱՌՆԻԿ ԱԷ. Ք. Գ.

ԿԻԼԻԿԻՈՅ ԱՂԷՏԸ

3 դ

Կ. Պոլիսը թոհուրոհին մէջն էր «31 Մարտի Դէպք»ին: Եւ «Ժամանակ»ը «Օսմանլը» օրաթերթի 2 Ապրիլի թիւէն առնելով՝ «Մեծ Յեղափոխութիւն

Ատանայի Մէջ» վերնագրութեան ներքեւ տուած էր լուրեր: Ըստ անոնցմէ մէկուն, 31 Մարտին Ատանայի մէջ ժողովուրդը ապստամբած էր, եւ թէ՛ Ներքին Գործոց Նախարարութիւնը հեռագրով յորդորած էր չյարձակիլ դրամատուներու, ելեւմտական հաստատութիւններու եւ օտարներու վրայ, եւ «պէտք եղած միջոցները ձեռք առնել՝ անդորրութիւնը պահպանելու համար»⁵²⁰:

Հայ օրաթերթը տեղակացուցած էր նաեւ, թէ մինչեւ 3 Ապրիլ Ատանայէն որեւէ հեռագիր չէր ղրկուած Հայոց Պատրիարքարան: Եւ Պատրիարքական Տեղապահը՝ Յովհաննէս Եպս. Արշարունի⁵²¹ Ատանայի Առաջնորդարան էր հեռագրած, որպէսզի «փութով իրաց վիճակին վրայ տեղեկութիւններ» փոխանցուէին:

Պատրիարքարանին գործակատարը՝ Գամէր Շիրին-եան ղրկուած էր Ներքին Գործոց Նախարարութիւն եւ «Օսմանլը»ի թիւը ներկայացնելով՝ լուսաբանութիւն խնդրած պատահածներուն մասին, նաեւ հարցում ուղղած՝ թէ ինչո՞ւ հրահանգուած էր, որ միայն օտարահպատակներուն կեանքը ապահովուի, եւ թէ՛ արդեօք այդ հրահանգը միայն հայե՞րը ջարդել կը նշանակէր: Ըստ պատասխանին, ընդհակառակն՝ հրահանգուած էր Ատանայի Կուսակալութեան, որ անմիջապէս «խնդրոյն առաջը առնէ եւ ապահովէ տեղւոյն բոլոր քրիստոնեաներուն կեանքը, ինչքը եւ պատիւը»⁵²²:

4 Ապրիլին, Արշարունի Եպիսկոպոս Բարձրագոյն Դուռ էր գացած՝ Ատանայի մասին «ստոյգ լուր մը» ունենալու համար: Վարչապետին՝ Թէվֆիք փաշայի⁵²³ հետ հանդիպման ատեն, տեղեկացած էր «Պաշարման վիճակ»ի յայտարարութեան մասին: Ապա Վարչապետը ըսած էր, թէ «երեւցածին նայելով»՝ խնդիրը հայերէն ծագում առած էր: Որուն ի պատասխան՝ Տեղապահ սրբազանը ըսած էր, թէ հեռագիրներէն իր ունեցած տպաւորութիւնը այն էր, որ հայերը ինքնապաշտպանութեան էին դիմած, «ինչպէս որ պիտի ընէր ամէն անձ», որ յարձակման կ'ենթարկուի: Յաւարտ խօսակցութեան, Վարչապետը «ազդու հրամաններ» հեռագրած էր Ատանայի Կուսակալութեան, որպէսզի արինահեղութեան առաջը արագօրէն առնուի: Արշարունի Եպիսկոպոս ինքն ալ իր կարգին Ատանայի Առաջնորդարան հեռագրած էր Բ. Դրան միջոցաւ, եւ յորդորած՝ հանդարտութեան համար «վերջին ծայր» ջանք ընել, ամէն կերպով հոգ տանիլ ջարդին վերջ տալու համար⁵²⁴:

5 Ապրիլին, Պատրիարքութեան Ազգային երեսփոխաններգումարուած էին Բերա⁵²⁵: Ժողովին հրաւիրուած էին Հայ Կաթողիկէ եւ Բողոքական համայնքներու ներկայացուցչներ: Ներկաներուն հաղորդուած էր Վարչապետին հետ Տեղապահին հանդիպման մասին: Ապա կարդացուած Սահակ Կաթողիկոսի 4 Ապրիլ թուակիր թրքերէն հեռագիրը, որ թարգմանաբար կ'ըսէր. «Ամէն կողմ ընդհանուր ջարդ, հրդեհ եւ թալան. կացութիւնը (այնպէս) կը շարունակուի մինչեւ այս պահ: Սիսի վրայ ալ յարձակումի մը կը սպասուի. ընդհանուր յուզումը սարսափելի է: Կը խնդրուի, որ կառավարութեան մօտ միջամտելով՝ անմիջական եւ կտրուկ միջոցներով անդորրութիւնը վերահաստատել տաք եւ ժողովրդեան կեանքը ապահովէք»⁵²⁶:

Ժողովին ներկաներէն մէկն ալ Գրիգոր Զօհրապն էր, որ անգամ էր Օսմանեան Խորհրդարանին: Ան արտայայտուած էր, ըսելով. «Ատանայի մէջ, ինչ-պէս ուրիշ չատ մը գաւառներու մէջ ալ, այն տեսակ կացութիւն մը ստեղծուած է, որ պզտիկ կայծ մը բաւական կ'ըլլայ հրդեհ առաջ բերել, ինչ որ պատահեցաւ այս անգամ (...): Լաւ կ'ըլլայ, որ Ազգին ներկայացուցիչները, կրօնականներն ալ միասին, դիմում մը ընեն Բ. Դրան մօտ, Հայ Հռոմէական եւ Հայ բողոքական պատուիրակներուն հետ միասին»⁵²⁷:

Խորհրդակցութիւններու վերջաւորութեան, բանաձեւ մը խմբագրուած էր, որ թուրքերէնի թարգմանուած եւ որմէն իւրաքանչիւր յարանուանութեան պատճէն մը յանձնուած, որպէսզի երբ Վարչապետին երթալին՝ ամէն մէկը ինք փոխանցէր պատճէնին իր օրինակը: Բանաձեւին բովանդակութիւնը սա էր. «Ներկայացնելով մեր տրամադրութեան ներքեւ գտնուած հեռագիրները, խնդրել Օսմանեան Կառավարութենէն՝ ամէն միջոց ձեռք առնել իսկոյն դադրեցնելու ջարդը, թալանը ու հրդեհը. բոլոր գաւառները կանխազգուշական հրահանգներ ղրկել ազդուօրէն, հեռագրական հաղորդակցութեան միջոցները ապահովել, կարօտելոց անմիջական օգնութիւն հասցնել եւ անդորրութիւնը անմիջապէս հաստատելու համար խառն Յանձնաժողով մը ղրկել ազէտին վայրերը»⁵²⁸:

Ժողովական որոշմամբ կազմուած էր միացեալ պատգամաւորութիւն մը՝ Վարչապետին հետ հանդիպման համար, եւ անոր յանձնելու բանաձեւին երեք օրինակները, պատճէնը Սահակ Կաթողիկոսի հեռագրին, նաեւ Հայ Կաթողիկէ Պօղոս Պետրոս Պօր. Սապապղեանի ուղղուած՝ Ատանայի Հայ Կաթողիկէ Առաջնորդ՝ Պօղոս Եպս. Թեղեանի Ֆրանսերէնով հեռագրին⁵²⁹, եւ յիշատակագիր մը՝ Օսմանեան Դահլիճին համար⁵³⁰:

Վարչապետը դժուարութեամբ բարեհաճած էր ընդունիլ պատգամաւորութիւնը: Խօսակցութեանց ատեն խնդրուած էր անկէ պաշտօնանկ ընել Ատանայի կուսակալը: Եւ ան պատասխանած էր, թէ արդէն կարգադրուած է կուսակալին պաշտօնանկութիւնը: Ապա Ներքին Գործոց խորհրդականին հրահանգած՝ անմիջապէս հեռագրել Ատանայի Կուսակալութեան թէ՛ արեւնահեղութիւնները դադրեցնելու համար ի՛նչ միջոց որ կարելի է թող գործադրուի: Նաեւ հրահանգած՝ համիմաստ հետագիրներ ղրկել Թարսուս, Մերսին եւ Մարաշ⁵³¹:

6 Ապրիլին այլ ժողով մըն ալ գումարուած էր Բերայի մէջ, նախորդէն «ո՛չ նուազ կարեւոր»⁵³²: Անոր նախագահած էր Ամենայն Հայոց ընտրեալ Կաթողիկոսը՝ Մատթէոս Իզմիրեան⁵³³: Ժողովը յանգած էր այն որոշման, թէ «Ազգին կողմէ պատգամաւորութիւն մը» պէտք է ղրկել շուտով՝ «նպաստ բաշխելու արկածեալներուն եւ զանոնք սփոփելու»⁵³⁴, նաեւ քննելու եղածը⁵³⁵: Այն գործին համար նշանակուած էին Գէորգ Վրդ. Արսլանեան եւ Ազգային երեւոյթան Սարգիս Սուրին⁵³⁶:

Ժողովը Հայրապետին թելադրութեամբ հեռագիրներ ուղղած էր «բոլոր գաւառային Առաջնորդութեանց՝ գիտնալու համար, թէ ապահովութեան մէջ ինչն»⁵³⁷: Եւ

նախքան փակուիլը՝ յարմար տեսնուած էր, որ Խառն Ժողովի Դիւանները եւ Ազգային Ժողովին Մայր Դիւանը «ամէն առտու մէկ երկու ժամ գումարուին (...): օրուան կացութեան հետեւելու համար եւ որոշումներ տալու»⁵³⁸:

Յաջորդ օրը՝ 7 Ապրիլին իր եկեղեցականներով անշարժութեան մատնուած Սահակ Կաթողիկոսէ Պատրիարքարան հասած էր տաղնապալի այլ հեռագիր մը, որ կ'ըսէր. «Ամէն կողմերնիս արիւնի ու կրակի մէջ ենք: Փճացանք: Սիս քաղաքն ալ բնաջինջ եղաւ, ընտանիքներ, մեծ ու պզտիկ, Մայրավանքը ապաստանած են: Եթէ ժողովուրդեան կեանքը փրկելու համար կտրուկ եւ ստիպողական միջոցներու չի ձեռնարկուին՝ մենք ալ ամբողջութեամբ պիտի փճանանք»⁵³⁹:

Պատրիարքարանը թագրիր մը պատրաստած էր եւ հեռագիրը ներփակելով անոր մէջ Բ. Դուռ առաքած՝ «ազդու տնօրինութիւններ» պահանջելով՝ «յարաճուն աղէտին առաջը առնելու համար այլեւս»⁵⁴⁰:

(Շարունակելի 37)

ԱՂԲԻՒՐՆԵՐ ԵՒ ԾԱՆՕԹԱԳՐՈՒԹԻՒՆՆԵՐ

520.- Ժկ, «Մեծ Յեղափոխութիւն Ատանայի Մէջ», 3-16 Ապրիլ 1909, է 3:

521.- Յովհաննէս Եպս. Արշարունի 11 Փետրուար 1909-ին ընտրուեցաւ Տեղապահ Կ. Պոլսոյ Հայոց Պատրիարքութեան: Իրր Պատրիարք Աթոռին վրայ պիտի ըլլար 1912-1913:

522.- Ժկ, «Մեծ Յեղափոխութիւն Ատանայի Մէջ», 3-16 Ապրիլ 1909, է 3:

523.- 31 Մարտի շարժումին հետ Հիլմի փաշայի դաշինքը կ'իյնար, եւ կը կազմուէր Թէվֆիֆ փաշայի վարչապետութեամբ դաշինքը, որ շաբթուայ մը կեանք պիտի ունենար:

524.- Ժկ, Հայկական Լուրեր, 5-18 Ապրիլ 1909, է 3:

525.- Ժկ, Ջարդ, Թալան, Հրդեհ Ատանայի Մէջ՝ Վտանգը Կը Սպառնայ Նաեւ Սիսի, 6-19 Ապրիլ 1909, է 2:

526.- Անդ:

527.- Անդ:

528.- Անդ:

529.- Հայ Կաթողիկէ Առաջնորդին հեռագիրը. «Երեւ օր շարունակ քիստոնեայ ժողովուրդը խօշորար խողխողուեցաւ, բալլուեցաւ. ահագին հրդեհ եւ անձի կորուստ. բեմին ժողովուրդը ահաբեկած է ու անօթի. մեր վանքի ագարակին գիւղը բոլորովին բնաջինջ եղած է: Ընդհանուր վիճակնիս յուսահատական է, օգնութիւն հասցուցէ՛ք: Նոյն տագնապի կացութիւնը նաեւ Թարսուսի, Սիսի մէջ եւ ամենուրեք»: Այս հեռագիրն ալ կարդացուած էր Բերայի ժողովին: Անդ:

530.- Անդ:

531.- Ժկ, Ատանայի Ողբալի Դէպքերը/Խառն Ժողովին Երէկուան Նիստը, 7-20 Ապրիլ 1909, է 1:

532.- Անդ:

533.- Մատթէոս Պօր. Իզմիրեան Ամենայն Հայոց Աթոռին ընտրուեցաւ 1 Նոյեմբեր 1908-ին: Ջարէն վաւերացման հետագիրը 7 Ապրիլ 1909-ի թուականով է: Ընտրութենէն ետք, ան մնաց Օսմանեան մայրաքաղաքին մէջ: Հոնկէ էջմիածին մեկնեցաւ 22 Մայիսին:

534.- Ժկ, Ատանայի Ողբալի Դէպքերը/Խառն Ժողովին Երէկուան Նիստը, 7-20 Ապրիլ 1909, է 1:

535.- Անդ:

536.- Անդ:

537.- Անդ:

538.- Անդ:

539.- Ժկ, Հայկական Լուրեր, Նոր Եւ Աղետալի Հեռագիր, 9-22 Ապրիլ 1909, է 3:

540.- Անդ:



Ս. ՅԱԿՈԲ ԱՌԱՋՆՈՐԴԱՆԻՍՏ ՄԱՅՐ ԵԿԵՂԵՑԻ
Մանկապատանեկան Պատարագ

Զօն Նոր Ծաղիկի Տասնամեակին



Երգահան՝ Արեգ Լուսինեան



Խմբավար՝ Տիկ. Էլօ Պողոսնի-Հարպոյեան
Երգեհոնահար՝ Տիկ. Դալար Հարպոյեան-Գալլօլեան

Շաբաթ, 21 Հոկտեմբեր 2017-ի
Էրեկոյեան ժամը 7.00-ին

CENTRE ARMÉNIE

1025 Boul. Elizabeth, Laval (Qc) H7W 3J7

Օրհնութեամբ՝
**ԲԱԲԳԷՆ ԱՐՔԵՊԻՍԿՈՍՈՍ
ՉԱՐԵԱՆԻ**

Առաջնորդ Գանատայի Հայոց Թեմին

Համագործակցութեամբ՝
ՀՕՄԻ Գանատայի Երջանային Վարչութեան

Նախագահութեամբ՝
Տիկ. Շաքէ Կեօնճեանի

Սատարով՝
**Բատրուման Հիմնադրամին
Տ. Լ. Տիկ. Արսէն Տէրվիշեանի
Տ. Լ. Տիկ. Մանուկ Զուխանեանի**



Ի նպաստ
Մտեփանանկերտի
(Արցախ) ՀՕՄԻ Սօսե՝
մանկապարտեզին

ՏՈՄՍԵՐՈՒ ՄՈՒՆԻԿՈՒԹԻՒՆ
ԵՒ ՆՈՒԲԵՐԱՏՈՒԹԻՒՆ
514-331-5445 X 202